

Na osnovu člana 16. Statuta Udruženja poslodavaca u Federaciji BiH, Skupština Udruženja poslodavaca u FBiH, na svojoj XII sjednici održanoj u Sarajevu, dana 26. marta 2013. godine donijela je:

ODLUKU O VISINI ČLANARINE U UDRUŽENJU POSLODAVACA U FBiH

Član 1.

Članovi Udruženja poslodavaca u FBiH, plaćaju mjesečnu članarinu Udruženju poslodavaca u FBiH (U daljem tekstu: UPFBiH) po slijedećoj skali:

a.pravno lice koje ima od	1 do 5 zaposlenih	20,00 KM paušano
b.pravno lice koje ima od	6 do 20 zaposlenih	30,00 KM paušalno
c.pravno lice koje ima od	21 do 50 zaposlenih	1,50 KM x broj zaposlenih
d.pravno lice koje ima od	51 do 1000 zaposlenih	1,00 KM x broj zaposlenih
e.pravno lice koje ima od	1001 do 2000 zaposlenih	0.66 KM x broj zaposlenih
f.pravno lice koje ima od	2001 do 3000 zaposlenih	0,50 KM x broj zaposlenih
g.pravno lice koje ima od	3001 i više zaposlenih	0,33 KM x broj zaposlenih

Ukoliko se prilikom obračuna članarine utvrdi da je za pravna lica iz jedne grupe obračunata članarina niža od maksimalnog iznosa članarine koju plaćaju pravna lica iz prethodne grupe, članice će plaćati članarinu u maksimalnom iznosu koju plaćaju članice iz prethodne grupe.

Član 2.

Kolektivni članovi UPFBiH, plaćaju članarinu UPFBiH, obračunatu prema ukupnom broju zaposlenih, primjenjujući degresivnu skalu iz člana 1. ove Odluke.

Ukoliko UPFBiH ne raspolaže tačnim podacima o broju zaposlenih iz stava 1. ovog člana, tada se visina članarine utvrđuje u dogovoru sa kolektivnim članom, polazeći od kriterija njegovog značaja i finasijskih mogućnosti.

Član 3.

Pravna lica čiji su predstavnici izabrani u ESV-a za područje kantona, FBiH, BiH, plaćaju dodatnu godišnju članarinu u paušalnom iznosu od 1.000,00 KM.

Ukoliko jedno pravno lice ima svoje predstavnike na više nivoa ESV-a, iznos članarine iz prethodnog stava uvećava se za 50%.

Iznos članarine iz stava 1. ovog člana isplaćuje se do 05. u mjesecu koji slijedi mjesecu u kojem je predstavnik pravnog lica izabran na funkciju ili počeo da efektivno obavlja funkciju.

Član 4.

Članarine iz stava 1. prethodnog člana uplaćuje se na žiro-račun UPFBiH u pravilu u cijelosti, do 5-oga u sljedećem mjesecu za prethodni mjesec na bazi fakture.

Član 5.

Članicama se može omogućiti, na njihov zahtjev, da uplatu članarine vrše u mjesečnim, dvomjesečnim, tromjesečnim, četvoromjesečnim ili šestomjesečnim ratama.

Član 6.

Članarina iz prethodnog člana, se uplaćuje do 05-og u prvom mjesecu kojim počinje period za koji se plaća članarina.

Član 7.

Ovlašćuje se Upravni odbor UPFBiH, da u slučaju globalne ekonomske krize, krize u pojedinoj djelatnosti ili problema u pojedinačnoj kompaniji članici, može svojom odlukom odobriti popust na godišnju članarinu za sve članice, članice iz jedne grupacije ili pojedinu članicu, ali ne više od 35% od iznosa utvrđenog ovom Odlukom.

Odluka iz prethodnog stava donosi se na osnovu obrazloženog zahtjeva članica.

Član 8.

Ovlašćuje se Upravni odbor UPFBiH, da na prijedlog Direktora, može donijeti Odluku o smanjivanju iznosa godišnje članarine za sve članice ali najviše do 10%, ukoliko stepen naplate članarine za tekuću godinu omogućava pokrivanje troškova rada Udruženja.

Smanjenje iz prethodnog stava odnosi se na sljedeću kalendarsku godinu i ne odnosi se na članice kojima je već izvršeno smanjivanje članarine po bilo kojem drugom osnovu.

Član 9.

Za sprovođenje ove Odluke zadužuje se direktor UPFBiH, a za nadzor sprovođenja Upravni odbor UPFBiH.

Direktor UPFBiH obavezan je da UO UPFBiH podnosi izvještaj o stepenu naplate članarine najmanje 4 puta godišnje.

Član 10.

Ova Odluka stupa na snagu danom donošenja na Skupštini UPFBiH, a primjenjivaće se od 01.01.2014. godine.

U Sarajevu, 26.03.2013.godine
Br. protokola:

PREDSJEDNIK SKUPŠTINE